

3-4/4



**ЎЗБЕКИСТОН RESPУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ**



ЎЗБЕКИСТОН RESPУБЛИКАСИ ФАНЛАР АКАДЕМИЯСИ



RESPУБЛИКА МАЪНАВИЯТ ВА МАЪРИФАТ МАРКАЗИ



RESPУБЛИКА ОЛИЙ ТАЪЛИМ КЕНГАШИНИНГ

ҚАРОРИ

**“Ислохотлар билимдони” кенг тармоқли республика илмий-маърифий
кўрик-танловини ўтказиш тўғрисида**

Ўзбекистон Республикаси Президентининг “Таълим-тарбия тизимини янада такомиллаштиришга оид кўшимча чора-тадбирлар тўғрисида” 2020 йил 6 ноябрдаги ПҚ-4884-сон қарори билан тасдиқланган “Таълим-тарбия ва илм-фан соҳаларини янада такомиллаштиришга қаратилган комплекс чора-тадбирлар дастури”нинг 22-банди ижроси юзасидан ёшларда мафкуравий иммунитетни кучайтириш, уларни турли ёт ғоя ва таҳдидлардан асраш, ўз мустақил фикрига эга, иродали, фидойи ва ватанпарвар инсонлар этиб тарбиялашга қаратилган “Ислохотлар билимдони” кенг тармоқли республика илмий-маърифий кўрик-танловини ўтказиш бўйича Ўзбекистон Республикаси Олий ва ўрта махсус таълим вазирлиги, Ўзбекистон Республикаси Фанлар академияси, Республика Маънавият ва маърифат маркази, Республика Олий таълим кенгаши **қарор қилади:**

1. Қуйидагилар:

“Ислохотлар билимдони” кенг тармоқли республика илмий-маърифий кўрик-танловини ўтказиш бўйича Ташкилий қўмита таркиби 1-иловага мувофиқ;

“Ислоҳотлар билимдони” кенг тармоқли республика илмий-маърифий кўрик-танловини (кейинги ўринларда – кўрик-танлов) ўтказиш бўйича чора-тадбирлар режаси (кейинги ўринларда – чора-тадбирлар режаси) 2-иловага мувофиқ;

“Ислоҳотлар билимдони” кенг тармоқли республика илмий-маърифий кўрик-танловини ўтказиш тартиби тўғрисидаги низом 3-иловага мувофиқ тасдиқлансин.

2. Ташкилий кўмигага:

кўрик-танловни иловалардаги низомларга мувофиқ барча олий таълим муассасаларида юқори савияда ташкил этиш;

чора-тадбирлар режасида белгиланган тадбирларни ўз вақтида амалга ошириш ҳамда мониторингини юритиш;

қоида тариқасида танлов ғолибларини тақдирлаш номинациялар бўйича ҳар йили “1 октябрь – Ўқитувчи ва мураббийлар куни” ҳамда “8 декабрь – Ўзбекистон Республикасининг Конституцияси куни” умумхалқ байрами арафасида ташкил этилишини таъминлаш вазифалари юклатилсин.

3. Мазкур қарорнинг ижросини назорат қилиш Ўзбекистон Республикаси Олий ва ўрта махсус таълим вазири ўринбосари Ю.Абсоатов, Ўзбекистон Республикаси Фанлар академияси вице-президенти Б.Абдуҳалимов, Республика Маънавият ва маърифат маркази раҳбарининг биринчи ўринбосари М.Қуронов зиммаларига юклатилсин.

Олий ва ўрта махсус таълим
вазири



А.Тошқулов

Тошкент ш.,
2021 йил “25” сентябрь

3-б/к -сон

Ўзбекистон Республикаси
Фанлар академияси



Б.Юлдашев

Тошкент ш.,
2021 йил “25” сентябрь

1/2 -сон

Республика Маънавият ва
маърифат маркази



M. Xodjimatomov

М.Ходжиматов

Тошкент ш.,
2021 йил "25" *Январь*,

1/1-88 -сон

Республика олий таълим кенгаши
раиси



U. Umrzakov

Ў.Умурзаков

Тошкент ш.,
2021 йил "25" *январ*

2-РК -сон

Олий ва ўрта махсус таълим вазирлигининг 2021 йил “25” январи 3-к/к,
 Фанлар академиясининг 2021 йил “25” январи 1/2,
 Республика Маънавият ва маърифат марказининг 2021 йил “25” январи 1/1-к/к
 Республика Олий таълим кенгашининг 2021 йил “25” январи 2-к/к -сон
 қарорига **1-ИЛОВА**



**“Ислохотлар билимдони” кенг тармоқли республика
 илмий-маърифий кўрик-танловини ўтказиш бўйича
 Ташкилий қўмита таркиби**

№	ФИШ	ИШ ЖОЙИ ВА ЛАВОЗИМИ
1.	Абсоатов Юсуф Қодирович	Олий ва ўрта махсус таълим вазири ўринбосари, <i>Ташкилий қўмита раиси</i>
2.	Қуროнов Муҳаммаджон	Республика Маънавият ва маърифат маркази раҳбарининг биринчи ўринбосари, <i>раис ўринбосари</i>
3.	Абдухалимов Баҳром Абдурахимович	Фанлар академияси вице-президенти, <i>раис ўринбосари</i>
4.	Жамолдинова Одина Расуловна	Олий ва ўрта махсус таълим вазири маслаҳатчиси, <i>аъзо</i>
5.	Бабашев Фарход Айтмуратович	Олий ва ўрта махсус таълим вазирлиги Ахборот хизмати бошлиғи-матбуот котиби, <i>аъзо</i>
6.	Базаров Отабек Хасанбоевич	Олий ва ўрта махсус таълим вазирлиги бошқарма бошлиғи, <i>аъзо</i>
7.	Ҳамраев Мақсуджон Саидахмадович	Олий ва ўрта махсус таълим вазирлиги бошқарма бошлиғи, <i>аъзо</i>
8.	Худойкулов Адҳам Юсупович	Олий ва ўрта махсус таълим вазирлиги бошқарма бошлиғи, <i>аъзо</i>
9.	Ботиров Мирзохид Исмонхўжаевич	Олий ва ўрта махсус таълим вазирлиги ҳузуридаги Маънавият ва маърифат маркази директори, <i>Ташкилий қўмита котиби</i>
10.	Саидов Жамшид Суюнович	Қурилиш вазирлиги бош мутахассиси, <i>аъзо (келишув асосида)</i>
11.	Элмиров Камол Ортиқович	Ўзбекистон Бадиий академияси бошқарма бошлиғи ўринбосари, <i>аъзо (келишув асосида)</i>
12.	Шухрат Мамаджонов	Геология фанлари университети бўлими бошлиғи, <i>аъзо (келишув асосида)</i>
13.	Мирзанов Шерзод Сирлибоевич	Ўзбекистон давлат жисмоний тарбия ва спорт университети проректори, <i>аъзо (келишув асосида)</i>
14.	Улмасова Лобархон Одиловна	Транспорт вазирлигининг Таълим муассасалари фаолиятини мувофиқлаштириш сектори бошлиғи, <i>аъзо (келишув асосида)</i>
15.	Алимулов Элёр Абдувалиевич	Дин ишлари бўйича қўмитаси бўлими бош мутахассиси, <i>аъзо (келишув асосида)</i>
16.	Абдуллаев Жавоҳир Нематжон ўғли	Адлия вазирлиги бошқарма ходими, <i>аъзо (келишув асосида)</i>
17.	Эшмуродов Сухроб Турсоатович	Тошкент шаҳридаги Инҳа университетининг маънавият ва маърифат бўлими бошлиғи, <i>аъзо (келишув асосида)</i>
18.	Мансуров Зокир Хусанович	Туризмни ривожлантириш давлат қўмитаси бошқармаси етакчи мутахассиси, <i>аъзо (келишув асосида)</i>

Изоҳ. Ташкилий қўмита аъзолари бошқа ишга ўтган тақдирда, унинг таркибига ушбу лавозимларга янгидан тайинланган ёки зиммасига тегишли мажбуриятларни бажариш юклатилган шахслар ва зарурият бўлганда бошқа шахслар киритилиши мумкин.

Олий ва ўрта махсус таълим вазирлигининг 2021 йил "25" августдаги 3-4/к
 Фанлар академиясининг 2021 йил "25" августдаги 1/1-55
 Республика Маънавият ва маърифат марказининг 2021 йил "25" августдаги 2-55
 Республика Олий таълим кенгашининг 2021 йил "25" августдаги 2-55 -сон
 қарорига **2-ИЛОВА**



**“Ислохотлар билимдони” кенг тармоқли республика илмий-маърифий кўрик-танловини ўтказиш бўйича
 ЧОРА-ТАДБИРЛАР РЕЖАСИ**

Т/р	Чора-тадбирлар номи	Амалга ошириш механизми	Ижро мuddати	Масъул ижрочилар
1.	Манфаатдор вазирлик ва идоралар билан тасдиқланган “Ислохотлар билимдони” кенг тармоқли республика илмий-маърифий кўрик-танловини ўтказиш тўғрисидаги қўшма қарорни тизимдаги ташкилотлар ва муассасаларга етказиш	1. Ҳар бир идора томонидан қўшма қарор тизимдаги ташкилотлар ва муассасаларга ижро учун юборилади.	2021 йил 30 январь	Олий ва ўрта махсус таълим вазирлиги, Фанлар академияси, Республика Маънавият ва маърифат маркази
2.	Ёшларда мафкуравий иммунитетни кучайтириш, уларни турли ёт ғоя ва таҳдидлардан асраш, ўз мустақил фикрига эга, иродали, фидойи ва ватанпарвар инсонлар этиб тарбиялашга қаратилган “Ислохотлар билимдони” кенг тармоқли республика илмий-маърифий кўрик-танлови ҳақида таълим муассасаларида тарғибот ишларини ташкил этиш	1. Ҳар бир олий таълим муассасасида тарғибот режаси ишлаб чиқилади. 2. Режа асосида олий таълим муассасасида тарғибот ишлари амалга оширилади.	2021 йил февраль режа асосида	Олий таълим муассасалари ва филиаллари, Республика Маънавият ва маърифат маркази ва унинг худудий бўлимлари, бошқа манфаатдор идоралар

3.	<p>“Ислохотлар билимдони” кенг тармоқли республика илмий-маърифий кўрик-танловининг олий таълим муассасаси bosqichini юқори савияда ташкил этиш ва ўтказиш</p>	<p>1. Худудлардаги мутасадди идоралар билан биргаликда тасдиқланган низом асосида кўрик-танловни юқори савияда ташкил этиш. 2. Кўрик-танлов ғолиби ва совриндорларини аниқлаш ҳамда уларни муносиб тақдирлаш. 3. Кўрик-танлов ғолибини республика bosqichida иштирок этишини таъминлаш.</p>	<p>Низомга мувофиқ май-июнь июнь</p>	<p>Олий таълим муассасалари ва филиаллари, Республика Маънавият ва маърифат маркази ва унинг худудий бўлимлари, бошқа манфаатдор идоралар</p>
4.	<p>“Ислохотлар билимдони” кенг тармоқли республика илмий-маърифий кўрик-танловининг республика bosqichini юқори савияда ташкил этиш ва ўтказиш</p>	<p>1. Мутасадди идоралар билан биргаликда тасдиқланган низом асосида кўрик-танловни юқори савияда ташкил этиш. 2. Кўрик-танлов ғолиби ва совриндорларини аниқлаш ҳамда уларни муносиб тақдирлаш.</p>	<p>Низомга мувофиқ октябрь-декабрь</p>	<p>Олий ва ўрта махсус таълим вазирлиги, Фанлар академияси, Республика Маънавият ва маърифат маркази Олий таълим муассасалари ва филиаллари</p>
5.	<p>“Ислохотлар билимдони” кенг тармоқли республика илмий-маърифий кўрик-танловининг барча bosqichini оммавий ахборот воситалари, ижтимоий тармоқларда кенг ёритиш</p>	<p>1. Кўрик-танловнинг барча bosqichini OAV ва ижтимоий тармоқларда кенг ёритиш.</p>	<p>Доимий</p>	<p>Олий ва ўрта махсус таълим вазирлиги, Олий таълим муассасалари ва филиаллари</p>

Олий ва ўрта махсус таълим вазирлигининг 2021 йил “25” январи 3-к/к,
Фанлар академиясининг 2021 йил “25” январи 1/2,
Республика Маънавият ва маърифат марказининг 2021 йил “25” январи 1/1-кк
Республика Олий таълим кенгашининг 2021 йил “25” январи 2-кк қарорига
3-ИЛОВА

**“Ислоҳотлар билимдони” кенг тармоқли республика
илмий-маърифий кўрик-танловини ўтказиш тартиби тўғрисидаги
НИЗОМ**

I. Умумий қоидалар

1. Мазкур Низом олий таълим муассасалари педагог ходимлари, талабалар ўртасида “Ислоҳотлар билимдони” кенг тармоқли республика илмий-маърифий кўрик-танловини (кейинги ўринларда – “Кўрик-танлов”, деб юритилади) ўтказиш тартибини белгилайди.

2. Мазкур кўрик-танлов “Ўзбекистон Республикаси Президентининг “Таълим-тарбия тизимини янада такомиллаштиришга оид қўшимча чора-тадбирлар тўғрисида” 2020 йил 6 ноябрдаги ПҚ-4884-сон қарорининг иловаси билан тасдиқланган “Таълим-тарбия ва илм-фан соҳаларини янада такомиллаштиришга қаратилган чора-тадбирлар дастури”нинг 22-бандида белгиланган вазифаларни изчил амалга оширишга йўналтирилган.

3. Кўрик-танлов қуйидаги номинациялар бўйича ўтказилади:

“Энг фаол миллий гоя ва маънавият тарғиботчиси” номинацияси;

“Маънавий-маърифий ишлар бўйича энг яхши кафедра” номинацияси;

“Энг яхши гуруҳ мураббийси” номинацияси;

“Энг фаол хотин-қизлар маслаҳат кенгаши раиси” номинацияси;

“Энг фаол ислоҳотлар тарғиботчиси” номинацияси.

4. Кўрик-танловни юқори савияда ўтказиш учун Олий ва ўрта махсус таълим вазирлиги, Фанлар академияси, Республика Маънавият ва маърифат маркази, тасарруфида олий таълим муассасалари мавжуд вазирлик ва идоралар ҳамда олий таълим муассасалари масъул ташкилотлар этиб белгиланади.

II. Кўрик-танловнинг мақсад ва вазифалари

5. Педагог ходимлар ва талаба-ёшларни мамлакатимизда амалга ошириладиган ижтимоий-сиёсий, иқтисодий ислоҳотлар тўғрисида хабардор қилиб бориш, таълим муассасаси фаолиятининг очиклиги ва ошкоралигини, ахборот эркинлигини таъминлашдек демократик ислоҳотларни чуқур ўрганиш, шунингдек, улар онгида янгиланаётган Ўзбекистонда учинчи Ренессанснинг пойдевори қўйилганлигига ижтимоий муносабатни ҳамда юрт тинчлиги, ватан равнақини таъминлаш йўлида амалга ошириладиган мисли кўрилмаган ютуқларга нисбатан дахлдорлик туйғусини, мафкуравий иммунитетини шакллантириш мақсадида ташкил этилади.

6. Кўрик-танловни ташкил этиш орқали қуйидаги вазифалар бажарилиши кўзда тутилади:

ёшларни “Янги Ўзбекистон – янгича дунёқараш!” ғояси атрофида бирлаштириш, таълим ва тарбия тизими узвийлигини таъминлаш;

мамлакатимизда амалга оширилаётган сиёсий, иқтисодий, ижтимоий, маънавий-маърифий ислохотларнинг, қабул қилинаётган қонун ҳужжатларининг мазмун-моҳиятини кенг жамоатчиликка самарали етказиш;

ойла, маҳалла, таълим муассасалари ва меҳнат жамоаларида ижтимоий-маънавий муҳитни ўрганиш ва соғломлаштиришга қаратилган фаолиятда иштирок этиш;

“Жаҳолатга қарши маърифат” ғояси асосида жамиятда узлуксиз маънавий-ахлоқий тарбия ва тарғибот-ташвиқот ишларини ташкил этишнинг стратегик йўналишлари, таъсирчан, креатив ва инновацион услубларини ишлаб чиқиш ҳамда уларни амалиётга жорий этиш;

аҳоли, айниқса талаба-ёшларнинг ижтимоий-маънавий ҳаётида бунёдкорлик ғояларини кучайтириш, диний бағрикенглик ва миллатлараро тотувлик муҳитини янада мустаҳкамлаш;

республика олий таълим муассасаларида фаолият олиб бораётган педагог ходимлар, билим олаётган ёшларнинг ижодий фаоллиги ва сиёсий маданиятини ошириш;

ёшлар онгига Ўзбекистонда миллий тикланишдан миллий юксалиш сари олиб борилаётган ислохотлар мазмунини тушуниш ва уни қадрлаш даражасини аниқлаш;

мамлакатимизда интеллектуал мулкни аниқлаш ва уларнинг ижодий фаолиятини ҳар жиҳатдан қўллаб-қувватлашдан иборат.

III. Кўрик-танловни ташкил этиш ва ўтказиш

7. Кўрик-танловнинг “Энг фаол миллий ғоя ва маънавият тарғиботчиси”, “Маънавий-маърифий ишлар бўйича энг яхши кафедра”, “Энг яхши гуруҳ мураббийси” ва “Энг фаол хотин-қизлар маслаҳат кенгаши раиси” номинацияларида олий таълим муассасасининг педагог ходимлари, “Энг фаол ислохотлар тарғиботчиси” номинациясида олий таълим муассасасининг талабалари иштирок этиши мумкин.

8. Кўрик-танловда иштирок этишни хоҳловчилар 1-иловага мувофиқ олий таълим муассасаларининг Ёшлар билан ишлаш, маънавият ва маърифат бўлими(хорижий ОТМларда ёшлар билан ишлаш бўйича масъуллар)га аризалар билан мурожаат қилиб, ўзи ҳақидаги тегишли маълумотларни тақдим этади.

9. Аризалар **ҳар йили 15 апрелдан 15 майгача** қабул қилинади.

10. Кўрик-танлов 2 (икки) босқичда бўлади ҳамда унинг адолатли ўтишини таъминлаш мақсадида Ҳакамлар ҳайъати ташкил этилади. Бунда:

Республика босқичи учун – Ташкилий кўмита;

Олий таълим муассасаси босқичи учун – олий таълим муассасаси масъул ҳисобланади.

Ҳакамлар ҳайъати таркиби Олий ва ўрта махсус таълим вазирлиги, Фанлар академияси, Республика Маънавият ва маърифат маркази ва унинг

худудий бўлимлари, олий таълим муассасасининг педагог ходимлари ҳамда бошқа тегишли мутахассислардан ташкил топиши мумкин.

11. Биринчи босқич – аризалар қабул қилиш ва саралаш босқичи бўлиб, бунда кўрик-танловда иштирок этиш истагини билдирган номзодлардан аризалар қабул қилинади ҳамда улар **2 та шарт** бўйича сараланади.

1-шарт. Номзодларнинг номинация бўйича амалга оширган ишларининг самарадорлиги ва натижадорлиги таҳлили (хужжатлар асосида) – **50 (эллик) балл;**

2-шарт. Соҳага доир саволлардан иборат тест синови (ёки суҳбат) асосида – **50 (эллик) балл.**

2 (икки) та шарт бўйича жами 100 (юз) балл тўпланади.

1-шарт ҳар йили 20 май 1 июнь кунлари оралиғида ўтказилади.

2-шарт ҳар йили 1 июнь 10 июнь кунлари оралиғида ўтказилади.

Ҳакамлар ҳайъати томонидан номзодлар йўналиш бўйича амалга оширган ишлари таҳлили ҳамда миллий ғоя ва ижтимоий-сиёсий, маънавий-маърифий соҳага оид тест саволларига жавоб бериши (ёки мавзулар бўйича суҳбат) орқали баҳоланади.

Номинациялар бўйича амалга оширган ишлари ҳамда тест (ёки суҳбат) натижаларига кўра, энг юқори балл тўплаган ғолиб (низомнинг 7-бандига асосан) кўрик-танловнинг кейинги босқичида иштирок этиш ҳуқуқини қўлга киритади.

12. Кўрик-танловнинг ҳар бир номинацияси бўйича олий таълим муассасаси босқичида ғолиб деб топилган иштирокчиларнинг хужжатлари ҳар йили 1 июлдан кечиктирмаган ҳолда олий таълим муассасаси томонидан 2-иловага мувофиқ Ташкилий қўмитага юборилади.

13. Иккинчи босқич – Республика босқичи бўлиб, ҳар йили август-сентябрь ойлари давомида 2 та шарт бўйича ўтказилади. Ушбу босқич иштирокчилари Ташкилий қўмита томонидан ташкил этилган Ҳакамлар ҳайъати томонидан баҳоланади.

1-шарт. Ҳар йили 20 август 1 сентябрь кунлари оралиғида номзодларнинг хужжатлари сараланади ва йўналиши бўйича амалга оширган ишлари энг юқори баҳоланган 15 нафаргача номзод кейинги шартда иштирок этиш ҳуқуқини қўлга киритади.

2-шарт. Ҳар йили 1 сентябрь 10 сентябрь кунлари оралиғида номзодлар танлаган номинацияси бўйича амалга оширган ишлари ҳақида тақдимот (мультмедиа) қилиб беради. Тақдимотлар натижасига кўра, Ҳакамлар ҳайъати томонидан 1, 2, 3-ўринларга муносиб номзодлар аниқланади.

14. Белгиланган муддатдан кеч тақдим этиладиган хужжатлар қабул қилинмайди.

15. Ҳакамлар ҳайъати томонидан иштирокчиларга қўйилган баллар тенг бўлиб қолганда, Ҳакамлар ҳайъати раисининг овози ҳал қилувчи ҳисобланади.

16. Кўрик-танловнинг якуний натижалари Ҳакамлар ҳайъатининг қарори билан расмийлаштирилади.

IV. Кўрик-танлов шартлари ва баҳолаш мезонлари

17. Кўрик-танловнинг биринчи босқичи, 1-шарти – номзодлар йўналиш бўйича турли мавзуларда маънавий-маърифий тадбирлар, давра суҳбатлари, викториналар, танловлар ва бошқа тадбирларни ташкил этганлиги, шунингдек аҳоли, айниқса талаба-ёшларни жисмонан соғлом, руҳан ва ақлан ривожланган, мустақил фикрлайдиган, Ватанга содиқ, қатъий ҳаётий нуқтаи назарга эга ёшларни тарбиялаш, демократик ислоҳотларни чуқурлаштириш ва фуқаролик жамиятини ривожлантириш жараёнида уларнинг ижтимоий фаоллигини ошириш борасида амалга оширган ишлари ҳамда натижалари тўғрисида аниқ ва асосли маълумотлар, шунингдек, талабалар турар жойи, ижарада ва хусусий хонадонларда яшовчи талабалар билан олиб борилган маънавий-маърифий ишлар ҳисоботлари, бешта муҳим ташаббус доирасида амалга оширилган ишлар (максимал балл – 25 балл);

Булар қуйидагича баҳоланади:

Т/р	Баҳолаш мезони	Балл
1.	Номзоднинг танлаган номинацияси йўналишида ёшлар (тенгдош) билан ишлаш ва маънавий-маърифий ишларнинг ўртача самарадорлик кўрсаткичи	25
1.1.	Маънавий-маърифий ишлар сифати даражаси ва йўналиши бўйича олиб борилган ишлар самарадорлиги	5
1.2.	Талабалар турар жойларида ёшларнинг дам олиши ва уларнинг бўш вақтларини мазмунли ташкил этилиши, шунингдек, ижара ва яқин қариндошиникида яшовчи талаба-ўқувчилар билан олиб борилаётган маънавий-маърифий ишлар ҳолати	5
1.3.	Коррупциянинг олдини олишга қаратилган ишлар натижадорлиги ҳамда профессор-ўқитувчи ва ўқувчи-талабаларнинг Ўзбекистонда олиб борилаётган ислоҳотлардан хабардорлиги, шунингдек, ижтимоий-сиёсий, маънавий-маърифий, ҳуқуқий соҳалардаги билим даражаси кўрсаткичи ҳамда фаолияти юзасидан ОАВ ва ижтимоий тармоқлардаги чиқишлари, илмий-оммабоп мақолалари (<i>“Ахборот ва мураббийлик соатлари” таҳлили ва бошқа ҳужжатлар</i>)	7
1.4.	Таълим муассасасида 5 та муҳим ташаббуснинг ижросида номзоднинг ўрни (<i>Ташкил этган клублари ва қамраб олинганлар контингенти (умумий контингентга нисбатан фоизда)</i>) ҳамда бу борада амалга оширган ишлар натижадорлиги	8

Шунингдек, номзодларнинг олий таълим муассасасидаги фаолияти давомида қўлга киритган ютуқлари, жумладан, фахрий ёрлиқлар, сертификатлар, диплом ва ташаккурномалар ва бошқалар (максимал балл – 25 балл).

Булар қуйидагича баҳоланади:

т/р	Ютуқнинг даражаси	сони (0-9 га)	сони (10-19 га)	сони (20+ га)
1.	Таълим муассасаси ёки туман (шаҳар) миқёсида	1 балл	2 балл	3 балл
2.	Қорақалпоғистон Республикаси ва вилоят миқёсида	2 балл	3 балл	4 балл
3.	республика миқёсида	3 балл	4 балл	5 балл
4.	хорижий давлатлар миқёсида	4 балл	5 балл	6 балл
5.	Кўкрак нишони (1+)	3 балл		
6.	Давлат мукофоти (1+)	4 балл		
	Жами балл	25 балл		

18. Кўрик-танловнинг биринчи босқичи, 2-шарти – тест синови (ёки суҳбат) Ҳакамлар ҳайъати томонидан тузилган миллий ғоя ва ижтимоий-сиёсий, маънавий-маърифий соҳага оид 25 та тест саволларига (ёки 5 та мавзу бўйича суҳбат, ҳар бир мавзу 10 балл, жами 50 балл) жавоб бериб, ҳар бир тўғри жавоб учун 2 балл белгиланади.

19. Кўрик-танловнинг республика босқичи 2 та шарт бўйича ўтказилади ҳамда Ҳакамлар ҳайъати томонидан баҳоланади.

1-шарт. Номзодларнинг ҳужжатлари ушбу низомнинг 17-бандига мувофиқ сараланади ва амалга оширган ишлари энг юқори баҳоланган 15 нафаргача номзод кейинги шартда иштирок этиш ҳуқуқини қўлга киритади.

2-шарт. Номзодлар танлаган номинацияси бўйича амалга оширган ишлари, соҳадаги мавжуд муаммолар ва уларни баратараф этиш бўйича инновацион таклифлар, амалиётга татбиқ этиш мумкин бўлган илғор тажрибалар ҳақида 10-15 дақиқалик такдимот (слайдли) қилиб беради. Номзоднинг тайёрлаган такдимоти, нотиклик маҳорати, шахсий имиджининг борлиги, маърузада янгиланаётган Ўзбекистондаги ислохотлар моҳиятини изчил мантиқий асослаш қобилияти, дахлдорлик туйғусининг намоён этилишига, шунингдек, Ҳакамлар ҳайъати томонидан берилган саволларга жавоб бериш орқали баҳоланади.

Барча шартлар бўйича умумий баллар қўшиб ҳисобланганда, энг юқори кўрсаткичга эришган иштирокчилар ўртасида I, II ва III ўринларни тақсимлаш Ҳакамлар ҳайъати аъзолари томонидан ҳал этилади.

V. Кўрик-танлов ғолибларини тақдирлаш

20. Кўрик-танловнинг олий таълим муассасаси (биринчи) босқичида юқори 3 та ўринни эгаллаган иштирокчилар олий таълим муассасалари

томонидан диплом ва қимматбаҳо совғалар, шунингдек, танловда фаол иштирок этган қатнашчилар учун таълим муассасаси раҳбарининг фахрий ёрликлари билан тақдирланади.

21. Кўрик-танловнинг республика босқичида ғолиб бўлган иштирокчиларни рағбатлантириш Олий ва ўрта махсус таълим вазирлигининг Олий таълим муассасаларини ривожлантириш жамғармаси ҳисобидан молиялаштирилади.

22. Кўрик-танлов ғолиби ва совриндорлари қуйидаги тартибда пул маблағлари ва Олий ва ўрта махсус таълим вазирлигининг дипломлари ҳамда статуёткалари билан рағбатлантирилади:

т/р	Номинация номи	Эгаллаган ўрни	Диплом ва статуётка	Пул мукофотининг миқдори
1.	“Энг фаол миллий ғоя ва маънавият тарғиботчиси”	1-ўрин	I даражали диплом ва статуётка	Базавий ҳисоблаш миқдорининг 45 баравари
		2-ўрин	II даражали диплом ва статуётка	Базавий ҳисоблаш миқдорининг 40 баравари
		3-ўрин	III даражали диплом ва статуётка	Базавий ҳисоблаш миқдорининг 35 баравари
2.	“Маънавий-маърифий ишлар бўйича энг яхши кафедра”	1-ўрин	I даражали диплом ва статуётка	Базавий ҳисоблаш миқдорининг 45 баравари
		2-ўрин	II даражали диплом ва статуётка	Базавий ҳисоблаш миқдорининг 40 баравари
		3-ўрин	III даражали диплом ва статуётка	Базавий ҳисоблаш миқдорининг 35 баравари
3.	“Энг яхши гуруҳ мураббийси”	1-ўрин	I даражали диплом ва статуётка	Базавий ҳисоблаш миқдорининг 45 баравари
		2-ўрин	II даражали диплом ва статуётка	Базавий ҳисоблаш миқдорининг 40 баравари
		3-ўрин	III даражали диплом ва статуётка	Базавий ҳисоблаш миқдорининг 35 баравари
4.	“Энг фаол хотин-қизлар маслаҳат кенгаши раиси”	1-ўрин	I даражали диплом ва статуётка	Базавий ҳисоблаш миқдорининг 45 баравари
		2-ўрин	II даражали диплом ва статуётка	Базавий ҳисоблаш миқдорининг 40 баравари
		3-ўрин	III даражали диплом ва статуётка	Базавий ҳисоблаш миқдорининг 35 баравари
5.	“Энг фаол ислохотлар тарғиботчиси”	1-ўрин	I даражали диплом ва статуётка	Базавий ҳисоблаш миқдорининг 20 баравари
		2-ўрин	II даражали диплом ва статуётка	Базавий ҳисоблаш миқдорининг 15 баравари
		3-ўрин	III даражали диплом ва статуётка	Базавий ҳисоблаш миқдорининг 10 баравари

23. Кўрик-танловнинг республика босқичи қатнашчиларига “Ислохотлар билимдони” кенг тармоқли республика илмий-маърифий кўрик-танлови иштирокчиси сертификати берилади.

24. Кўрик-танловнинг республика босқичи ғолибларини тақдирлаш жараёнини ташкил этиш билан боғлиқ зарур сарф-харажатлар учун маблағ

Ташкилий қўмита томонидан тақдим этилган ҳисоб-китоблар асосида Олий ва ўрта махсус таълим вазирлигининг Олий таълим муассасаларини ривожлантириш жамғармаси ҳисобидан Вазирлик ҳузуридаги “Маънавият ва маърифат” марказининг тегишли ҳисоб рақамига ўтказиб берилади ҳамда ғолибларни тақдирлаш тадбири юқори савияда ташкил этилади.

VI. Яқуний қоидалар

25. Кўрик-танловнинг ишчи тили: Давлат тили.

26. Кўрик-танловга келиб тушган ҳужжатлар қонун ҳужжатларида белгиланган тартибда 6 ой муддат давомида сақланади.

27. Кўрик-танловлар натижалари ОАВда эълон қилиб борилади.

28. Кўрик-танлов иштирокчиси (бошқа шахс) томонидан танловнинг республика босқичини ташкил этиш ва ўтказиш, шунингдек, унинг натижаси билан боғлиқ мурожаат(эътироз)лар қабул қилинмайди.

“Ислохотлар билимдони” кенг тармоқли
республика илмий-маърифий кўрик-танловини
ўтказиш тартиби тўғрисидаги низомга 1-ИЛОВА

**“Ислохотлар билимдони” кенг тармоқли республика
илмий-маърифий кўрик-танлови иштирокчиси
АРИЗА АНКЕТАСИ**

ФИШ _____

Номинация номи _____


Туғилган йили, ой ва куни _____

Миллати _____

Лавозими (тўлик) (ёхуд факультети (йўналиши) ва курси) _____

Паспорт маълумоти (Серияси ва рақами) _____ № _____

Ким томондан ва қачон берилган _____



ИМЗО

сана

“Ислохотлар билимдони” кенг тармоқли
республика илмий-маърифий кўрик-танловини
ўтказиш тартиби тўғрисидаги низомга 2-ИЛОВА



**“Ислохотлар билимдони” кенг тармоқли республика
илмий-маърифий кўрик-танловининг республика босқичида
иштирок этиш учун тақдим этиладиган ҳужжатлар
РЎЙХАТИ**

1. Олий таълим муассасаси раҳбарининг хати.
2. Ариза анкетаси.
3. Ишлаётгани (ўқиётгани) тўғрисида маълумотнома.
4. Голиб бўлганини тасдиқловчи ҳужжат нусхаси (диплом ва баён нусхаси).
5. Ҳужжатлар йиғмажилди.